

中國邊疆史志集成

東北史志

第五部

5

全國圖書館文獻縮微複製中心

等物來易於遼

史遼

諸小國貢進物產有褐黑絲門得絲怕里絲

皆細毛織成以二丈爲匹

契丹志

氈類有炕氈地氈均以羊毛製

之

呼蘭府志

履

夫餘出國則尙繪繡錦罽袍袴履革踏

魏志

木板鞋名薩刺長

尺許以皮鞞之歷雪磧峻嶺逐獸如馳

履從錄

履類有軌鞠以革

爲之履冰不滑藉以烏拉草不凍足有盪朝馬革鞞也騎者用

之

呼蘭府志

官兵向皆著布靴近日官多綴靴冬日行役率著烏拉

踏踏瑪兒烏拉鞋類踏踏馬兒靴類並牛革爲之軟底而藉以

草溫暖異常又兵多勒子鞋達呼爾則有阜鞋鞋尖繡白雲頭

嫩江以西類然

黑龍江外紀

土人著履曰烏拉製與靴同而底軟連

幫而成或牛皮或鹿皮縫紉極密走荆棘泥淖中不損不失且

能耐凍耐久市有專肆力食者入冬皆依賴之價亦不昂傳聞

盛京上庫貯有清太祖皇帝遺履形名同此所以示創業時崇

儉習勞之槩意至深也

龍江
述略

哈爾瑪兒 冬衣有名哈爾瑪兒者麀鹿等皮之毛落而韆存者

也服之作苦最耐磨涅

龍江
外紀

麀帽 索倫達呼爾以麀頭爲帽雙耳挺然如人生角

龍江
外紀

毳服 索倫達呼哩人嘗反披麀服黃毳蒙茸望之生畏

龍江
外紀

石罽 肅慎氏貢石罽國語王會解夷用關木孔晁注木生水巾色

黑而光其堅若鐵

逸周
書

陳畱王紀肅慎國獻其國弓三十張石

罽三百枚

魏志

肅慎有石罽其利入鐵

晉書

武帝紀肅慎國重譯獻

楛矢石罽

宋書

靺鞨自拂涅以東矢皆石鏃

隋書

黑水靺鞨居肅慎

地其矢石鏃長二寸蓋稽弩遺法唐書鞞鞞國弓長四尺如弩青

石爲鏃

括地志

挹婁國其人善射青石爲鏃皆施毒中人皆死

太平

寰宇記

石弩名水花石堅利入鐵可鏃矢鏃土人將取之必先祈

神

明一統志

石弩黑龍江口出今用者少

盛京通志

混同江中出石弩相

傳松脂入水千年所化有紋理如木質紺碧色堅過於鐵工人

用以礪刃名爲昂威赫

稽古塔

郝懿行肅慎氏弩考近世閩百

詩聞甯古塔人云混同江邊榆松二樹枯枝墜水化而爲石可

爲箭鏃按古書有言松爲石氣所生乃石旣爲松松又爲石松

石二物其氣本通而形相變枯枝所化其說信而有徵

廣雅

變石惟松則然關東多有之非奇物也隙光亭雜識引墨客揮

犀云泰山有柏木一枝長數尺半化爲石又錄異記婺州永康

縣山亭中有枯松樹因斷之誤墜水中化爲石今嘗見人蓄松
花石爲玩可驗其說非誣按此石惟松能化墨客揮犀之所謂
柏恐亦松之誤也關東人取此石製爲佩刀形安以柄用以磨
錯鐵刀如泥古所未聞也

雜竹
記

楛矢

明帝紀肅慎氏獻楛矢

魏志

景元三年肅慎獻其國弓三

十張長五尺五寸楛矢長一尺八寸

冊府
元龜

楛矢女眞出

明志

楛

木長三四寸色黑或黃或微白有紋理非鐵非石可以削鐵而
每破於石居人多得之虎兒哈河相傳肅慎氏矢以此爲之好
事者藏之家非斗粟不易楛矢自肅慎氏至今凡五貢中國勿
吉室韋之俗皆以此爲兵器或曰苦矢或曰石鏃或曰楛簳歷
代史傳言之娓娓今余所見直楛耳無有所謂鏃與簳也

柳邊
紀略

皮骨鐵雜鎧 景元二年肅慎國獻皮骨鐵雜鎧

魏志

弓 帝舜二十五年息慎氏來朝貢弓矢

紀竹年書

藏貊貢良弓

典肅

慎氏有檀弓三尺五寸

晉書

車 勿吉其國有車馬佃則耦耕車則推步

魏書

扒犂名法喇車而

無輪犂而有箱載不以盈險不以傾冰雪時利用焉

日屈錄

從法喇

以木爲之犂有駕車而無輪轆長而輓雪中運木者也駕以牛

柳邊紀略

爬犂雙轆貼地前仰後平上有圍蓋木製如貨車式容五

六人載糧者不具圍蓋均無輪輕捷穩便不慮傾覆十月後冰

地所用車也小爬犂可以犬駕之有大車一名板車載糧者用

之亦可載人套馬二三匹重載或用九馬有小車一名轎車又

名騾車

呼蘭府志

梭船 混同江其俗剝木爲舟長可八尺形如梭曰梭船船上施

一槳止以捕魚至渡車則方舟或三舟

契丹志

剝木爲舟長可丈

餘形如梭子呼爲威呼施兩槳捕魚江中往來如駛船廠戰艦四十餘艘雙帆樓櫓與京口戰船相似又有江船數十亦具帆

檣日習水戰

扈錄從

威護小船也獨木虛中銳其首大者能容人

五六小者二三人持兩頭槳左右櫂之亂流而渡

扈錄從

甯古

塔船有二種小者曰威弧大者曰五板船三艙合五板爲之合

處不用灰釘以木可受十餘人槳長數尺兩頭若柳葉而圓其

中人執之左右櫂若飛五板船富者乃有之威弧隨處有之秋

冬則以爲馬槽

柳邊紀略

快馬 以樺皮爲之長丈餘寬約二尺兩頭窄只容一人黑斤人

每乘之以叉魚

曹廷杰
日記

穹廬 呼倫貝爾布特哈居就水草轉徙不時故以穹廬爲室最

便搗拆穹廬國語曰蒙古博俗讀博爲包冬用氈毳夏用桦皮

及葦然在西布特哈近日已漸能作室穹廬之多不似舊時風

氣爲之一變

黑龍江
外紀

糠燈 名蝦棚卽穀糠油渣和以米汁附蓬梗上狀如燭而長十

倍然之青光熠熠烟集如雲以此代燭燈架名搽不蝦刺取三

了樹斷而置之一莖直立鑿以銜燈

居從錄

糠燈以米糠和水爲

之順手黏麻稽逆手黏則不可然晒乾長三尺餘插架上或木

牌光與燭等

柳邊
紀略

麕囊 呼倫貝爾布特哈諸部落每以麕皮置爲囊野處露宿全

身入囊不畏風雪

龍述略

火鑱 卜奎火鑱關以東貴之稱其加鋼甲於內地遇客餽送以

爲土產佳品樺皮鞍板次之

黑龍江外紀

木碗 夫餘飲食類皆用俎豆

後漢書

女真食器無瓠陶皆以木爲盆春夏之交止用木盆注粥以長柄小木杓數柄回環共食以

木櫟盛飯木碗盛羹

北盟會編

摩木羅滿洲語謂木碗如盂如鉢斲

痕粗備薦食陳嘗無貴賤咸需之

扈從錄

凡器皆木爲之出高麗

者精復難得尋常用者大率出土人手七箸盆盂比比皆具大

至桶甕亦自爲之

絕域紀略

伐大樹作器用其盞碟盆盞澡盤之屬

俱以獨木爲之

寧古塔紀略

瓦罇 肅慎氏作瓦罇受四五升以食

晉書

瓦罇名猛姑截高六七

寸腹大如缶口小於錢短項而蹙足其質土其聲木土人用以

貯蘆酒

日尾錄從

柳斗

名呼扭編柳條爲之以汲泉量粟

附尾錄從

煙囪

名摩呼郎相木之竅穴者截爲柱樹土炕外引煙出之覆

以筐以避雨雪若巨表然

附尾錄從

煙囪以完木之自然虛中者爲

之久之碎裂則護以泥或籐縛之

紀柳略

木槽

名護主刳木如舟可受水石許橫置爨側以代盆盎

附尾錄從

木桶

名石杭截大木空其中以釀酒以腊壅

附尾錄從

木匙

名差非長四寸銳上豐下削木爲之燎以火使曲雜佩帶

上以代箸

附尾錄從

木甌

名服寺黑狀如盆口廣二尺許底差斂於口稜其口以引

氣置粟於中蒸而始舂非炊器也

附屬錄從

樺木箱 名亞拉桂紫山多樺木土人取爲筥以盛衣物如木如

革文理蔚然不加緣采

附屬錄從

骨咄角

靺鞨土多骨咄角

唐會要

契丹重骨咄犀犀不大紋如象

牙黃色作刀柄已爲無價天祚以此作兔鶻插垂者

續松漠骨紀聞

咄犀迺蛇角也其性至毒而能解毒蓋以毒攻毒也故又曰蠱

毒犀葉森子必明將骨咄犀刀靶二來看卽此也其花紋如今

市中所賣糖糕或有白點或有如嵌糖糕點以手摸之作岩桂

香若更摩之無香者僞物也

雲煙錄

殊角卽海象牙

明一統志

呵膠 女真出呵膠

明一統志

呵膠出虜中可以羽箭又宜婦人貼花

鈿口噓隨液故謂之呵膠

同林錯

刮鰾 黑龍江人以鱒鯉魚胃造刮鰾黏紙補字刀刮用之勝糲糊攤布貼之勝膏藥將軍那啟泰嘗調黑龍江人來幕府督造累月迄無成亦地道所限刮鰾一塊大寸許厚二分有金鐘蕉葉書函諸式一匣嘗貯九塊此尋常餽遺物其尺長如意杆大拱璧及懸磬之類近年新式雕鏤尤巧得之較難

黑龍江外紀

蘆酒

勿吉嚼米釀酒飲能至醉

魏書

靺鞨嚼米爲酒飲之亦醉

隋書

米兒酒名詹冲弩力或卽蘆酒炊穀爲糜和以麴蘖須臾成醞

朝釀夕飲味少甘多飲不醉

扈從錄

酒類有白酒高粱所製黃酒

粟米所製白酒輸銷鄰省及俄境製白酒場所名曰燒鍋營其

業者謂之燒商皆資本富厚者爲之

呼蘭府志

澄明酒

宣室志會昌元年扶餘國貢澄明酒色紫如膏飲之令

人骨香

太平廣記

麻布紙 名攤他花兒上烏拉無紙八月卽雪先秋擣敵衣中敗

苧入水成毳漚以蘆簾爲紙堅如革紉之以蔽戶牖

扈從

日錄紙又

有毛頭紙薄者名改簾紙厚者名改文紙皆以舊繩頭亂麻搗爛爲之惟不知漂白故紙色黑黯有草紙黃色以麥稭搗爛爲

之

望奎縣志

紬 天寶七載黑水靺鞨獻魚牙紬朝霞紬

冊府元龜

漁具 有片鈎有網網之大者曰湯網寬約十數丈攔江網也次爲波網把網各寬七八丈不等次爲紬網冬時鑿冰捕魚具也次爲絲掛子網以絲製成纜之水際小魚皆緣掛不能脫去片鈎亦冬時鑿冰捕魚具也柄以長竿入冰窟內旋轉之魚順水

勢咸聚旋渦中以鈎出之

縣志

農具 耕地之器曰犂馬四之牛二之多用馬曰鐵鈚鐵鎬播種

之器曰長柄葫蘆曰柳罐芟草之器曰鋤收穫之器曰鎌曰把
取穀之穗晒晾之器曰木杈有三杈四杈三種打糧之器曰颶
掀曰掃帚曰石滾子凡推米者俱用碾子作麪者俱用磨曰風
車凡穫糧刈而載歸堆積場園中冬臘月始打之隨打隨磨隨

食

縣志

農業

黑龍江舊係駐防省分向習游牧不講農桑遂致膏腴土地而荒
曠者多豐美水草而種植者少自遜清咸同以後始議招墾於光
宣之交實行丈放民國以來全省荒地一律招領開墾於是荒地

日闢移民日多而農業亦日興矣各處農地以松花江北岸各縣開墾爲最早土壤肥沃穀物豐多嫩江中部黑河附近尤稱膏腴如額爾古納河東岸黑龍江右岸黑龍江下游與松花江間諸流域衆流匯注縈迴皆爲天然水利亦多可墾之地至興安嶺一帶雖丁戶稍稀而樹木蔽天足以供農業器具之用蒙古逐水草而居古稱行國雖地廣人稀但牛溲馬勃腐葉草根遍地皆是雍閼旣深遂化瘠土爲沃壤近邊諸旗觀漢人之務農年年餘盈不勝企羨近年來亦從事於耕植凡設郡縣之區類皆農重於牧操作亦仿漢人但堅忍耐勞爲稍遜耳若地利有餘人工不足則覓齊燕無業之民或雇教漢奈曼喀喇沁土默特諸旗蒙人以助耕作俗名撈青離郡縣較遠之區務農雖已同化而操作不同尙宛然

上古時代之舊法也彼等操作於草原肥沃之地連年耕種至數年後地力耗盡再擇求新地仍如前法耕作地力再盡再換或歲易其地待雨乃播不雨則終不破土雨後相水坎處攜婦子牛羊以往氈廬孤立布種輒去不復顧逮秋後來諸草莠雜穫計一畝所得不及漢田之半而漢人操作則不然漢人之耕作有分休閒輪作二法若砂鹼地則用休閒法每年耕作一分休閒一分至輪作法最爲普通卽高粱穀子黃豆之類每三年輪種一次又名翻茬爲與穫茬互相輪種也農作之地有平原地帶山嶽地帶之別平原地帶氣候適宜各種農作物均可耕種山嶽地帶人烟稀少天氣較寒生育期間過短僅能播種數種而已農戶以直隸山東二籍爲多民國六年調查全省農家戶數共計有三十二萬三千

四百三十四戶田之面積以二百八十八弓爲一畝十畝爲一晌
四十五晌爲一方三十六方爲一井未墾者曰毛荒已墾者曰熟
地全省田圃畝數據民國六年調查共計三千八百六十六萬一
千三百十一畝種植以米麥豆粟黍稷爲大宗茲將民國六年出
產調查錄誌於下俾日後羸絀有所比較

種粳米

畝三萬四千四百四十一

每畝收穫量約三斗二升四合

大麥

千二百九百九十六十六萬七畝三

每畝收穫量約五斗八合

小麥

四百百五十四十九萬六畝

每畝收穫量約四斗一升八合

燕麥

千一百二百三十三萬八畝九

每畝收穫量約三斗七升七合

大豆

千六百五百八十九萬一畝

每畝收穫量約六斗四升七合

小豆

七九百六十八萬一畝千

每畝收穫量約三斗九升六合